

Ewe Oregon Department of Education (ODE) me ewe Department of Early Learning me pwan Care (DELIC) ra mwochen repwe ngeni semirit eochun sukun nupwen repwene pwopwutani kindergarten. Non 2022, ra sotuni ewe chufengen itan “Family Conversation” ar repwe tori ewe goal. Ekkewe famini me chon kait repwe one-on-one ar repwe porous ren ifa usun ar repwe anisi ekkewe kindergartner ar repwe feioch.

Non 2023, Oregon’s Kitchen Table (OKT) aa anomwu ewe “Community Gatherings” ar repwe eisini aramas ifa usun memefin ewe Family Conversation re fiti. Ei repot aa katou nge aa tou porousen met ewe am fori me met ewe sa pwan rong.

Porousen Oregon’s Kitchen Table

OKT nge pwan kinikinin Portland State University. OKT aa fokkun angang faniten epwe ngeni ekkewe aramas nouer nupwen epwe or kefinin finata non public ika nein aramas. Sa fos ngeni ekkewe aramas ese kan pwan pachenong non ekkei sokkun kefinin finata. Iwe sipwe anisi aramas ren ar repwe porousen state, local, me ekkewe osukosuken regional. Mi fokkun chomwong anen me non sokopaten fosun fenu an repwe kaeo me sinei met ekkewe aramas ra ekiiki me sinei. Iwe kich mi eucheani ekkewe chomwongun ekiiek me ekkewe experience aramas ra ureni kem ren.

Ifa Usun Am Rongoseni Aramas

OKT held these gatherings to find out what people thought about the Family Conversations they attended:

- Twenty-four Community Gatherings. Ekkei nge chufengen non fougoun aramas ngeni ekkewe famini seni ekkewe sukun mi pwan sokono.
- Unungat Zoom discussions ren ekkewe school staff seni ekkewe ekkoch sukun.
- Unungat interviews ngeni emon me emon ekkewe famini me ekkewe chon kait

Ina epwe chok fen fitemon ekkewe chon kait ir mi email ar feedback. Ina epwe ukukun 232 aramas am mi fos ngenir.

Met Amwa Rong

Met ekkewe aramas ra tipew ngeni

Atun ewe fansoun Community Gatherings, aramas ir mi pwan wau sokopaten ekiék nge ir mi pwan tipew won.

Iei met amwa rong ren ewe Family Conversations:

- **Mi eoch amwa pwan sisinei ekkoch me kaeo fengen.**
 - Mi pwan eoch ngeni ekkewe famini me ekkewe chon kait ar repwe sisinei fengenir mwen en school year.
 - Ekkewe famini ir mi sani ar porousen nour kewe semirit, ifa usun ar kaeo, me met ekkewe ir mi need non sukun.
 - Pwan chomong ekkewe famini ir mi kaeo porousen ewe sukun, ewe sense, me ewe classroom mwen en school year.
 - Ekkewe sense me ekkewe school staff ir mi pwan sani ar kaeo porousen nour kewe chon sukun me an ewe chon sukun famini.
 - Chomong chon kait me ekkewe famini ra mwochen repwe chufengen iteitan ren ekkewe school topics.
 - Ekkewe chon kait me ekkewe famini ir mi fokkun kinisou fengen ren ar tumwunu ekkewe chon sukun.
- **Aramas ir mi need epwe or ewe communication me aninis ren fosun fenuwer.**
 - Ekkewe famini me ekkewe chon kait ir mi mwochen epwe or ewe porousen Family Conversation epwe kurufat, unus me mwithir.
 - Aramas ir mi pwan era nge meinisin ekkewe communication ren ewe Family Conversation epwe non sokopaten fosun fenu.
 - Ekkewe chon kait me ekkewe famini ra mefi nge ekkewe ekkoch staff seni ekkewe ekkoch sukun repwe pwan anisi pwan ewe Family Conversation.

Ekkewe staff repwe porous non ekkewe fosun fenu ekkewe famini re mwochen fosun nupwen ar chufengen.

- Ekkoch ekkewe famini ir mi mwochen Family Conversation ar repwe pwan porousen ar kewe eoreni.

- **Aramas ir mi mwochen ar repwe weweiti fichi ewe Family Conversation.**

- Mi chomong ekkewe famini ir mi mwochen sinei met ewe Family Conversation epwe cover.
Re mwochen ekkoch fanosun ar repwe ekiék ren met repwe era.
- Ekkewe famini me ekkewe chon kait ra pwan ekekiék iak pwata Family Conversation re pwan eis ren ekkewe semirit ren met ir mi experience mwen kindergarten.
- Chomong aramas ra mwochen sinei ifa usun an state epwe nounou ekkewe porous seni ewe Family Conversation.

Met ekkewe aramas resapw tipew won

An aramas nenengeni metoch mi sokofesen. Ekkei views mi pachenong ekkei tetenin metoch:

- Ekkoch famini re mwochen epwe chomong kapas eis ren academics. Ekkoch famini iwe re mwochen epwe nap kapas eis ren nour kewe semirit me ifa usun ar kaeo.
- Aramas mi sokofesen ukukun ar ewe trust non ar kewe sukun me state agencies usun
ODE me DELC. Ekkewe aramas ese watte ar nukunuk iwe ir mi pwan aro chipwangen Family Conversation.

Ekkewe Ekiék Aramas ir mi pwan Wau

Ikkei ekkei ekkoch ekiék aramas ir mi awora ren ODE me DELC:

- Fos ngeni ekkewe chon kait me ekkewe famini ren Family Conversation.
- Ureni aramas sokofesenin Family Conversation me ekkewe pwan ekkoch sukun nupwen ar mwiich fengen.
- Anisi ekkewe sukun me communicate ika fos ngeni ekkewe famini.

- Ekieki ika Oregon mi need an epwe awora minafon policies ngeni ekkewe sukun ren fansoun Family Conversation.
- Ngeni ewe sukun awewe ren schedule ren ewe Family Conversation.

Anongonong won met ekkewe aramas ra ureni kem, iwe iei met sa recommend ekkewe sukun repwe ekieki ren ekkei ekiek:

- Epwe or ekkewe aramas mi sokopat ar angang me non ewe sukun repwe etiwonong ekkewe famini ngeni ewe Family Conversation.
- Ekkewe famini mi or nour kewe chon sukun repwe anisi ekkewe minafonong famini ngeni ewe Family Conversation. Watto ekkewe aramas mi nono ar kewe eoreni me fosun fenuwer.

Iwe saingon, sa recommend ekkewe educators ir mi pin fori ewe Family Conversation ar repwe pwan anisi ekkewe rese mwo. Ar repwe angang fengen iwe ina met epwe fori an Family Conversation epwe tongeni mwokut angangan ngeni ekkewe famini me ekkewe educators ika chon kait.

Kosopwonon

Ipwuku fite chon Oregon educators me famini ir mi era ir mi support ewe Family Conversations. Ir mi eucheani ar repwe sinei porousen ewe chon sukun, ewe sukun, me emon me emon. Ewe watten anean iwe epwe or ewe communication non sokopaten fosun fenu. Iwe iei aa chomwong famini me educators ra sinei ewe Family Conversation. Ekkei Oregonians ir mi tongeni repwe pwan fiti me anisi ekkewe ekkoch aramas ar repwe pwan sinei ewe Family Conversation.

“Ngang mi ekiiki nge ew program mi fokkun eoch pwe ee wou ngeni ei ai sinei an neiwe chon sukun background mwen an epwe pwoywuta sukun. Pwan sinei met ekkewe iin me sam anean/mwochen ren nour ewe. Ngang mi mefi nge mi anisi ewe set up ren an epwe pwungeoch ewe school year.” - Teacher

“Mi watte an ei community repwe Ach ei sukun mi achocho ngeni an epwe or ewe aninis rer pwe famini repwe mefi nge ir mi tongeni eto rech. Mi pwan tongeni anisi kich ika pwe sipwe awewei nge ekkei porous meinisin kich mi anomwu non mwonomwon nge sipwe pwan nounou ach sipwe anisi ekkewe chon sukun. Sipwe chok sopweno me fori ewe nukunuk” – Family member

“Am men fokkun eoch an emon epwe porous ngeni ei ren faniten met neiwe ee kan ani pwapwa me sinei nge neiwe esapw chok emon nampa non ewe classroom . Mi fokkun eueha, nupwen repwene fen no ngeni kindergarten, iwe ir mi kan mefi nuwokus ren ekkewe kukun semirit.” – Family member

“Ekkoch ekkewe kapas eis aa kon pwan anonon. Met repwe fori ngeni ekkei porous? Use pwan kon sinei pwata ee pwan mwochen sinei ei sokkun porous ren ewe classroom. Ititin ewe nge usun re chok fen ioni ekkewe data nge rese fen sinei met repwe for ngeni.” – Family member

“Nupwen ai rong ewe “Eto churi ewe sense,” uwa ekiiki nge ngang upwe etino non ar ewe classroom upwe kaeo porous, nge esapw fen opposite. Repwe sinei nge ei porous nge faniten ewe semirit, ar ewe famini, etc., iwe porousen ewe chon sukun, esapw faniten ar repwe eto ra kaeo minen non ewe classroom.” – Family member

“Me gusta que la maestra es latina, y me puedo conectar con ella. Entiende como yo le enseño a mi hijo en la casa, y entiende la cultura y lo trae a la clase. “/ “Ngang mi sani pwe ewe sense emon Latina, iwe ngang mi or am ewe wewe fengen. Mi weweiti ifa usun ai aiti neiwe aat me non imw, mi pwan weweiti am eoreni, iei minne mi uwei ngeni class.” – Family member